



Innkalling av Valstyret

Møtedato: 21.03.2023
Møtestad: Kommunestyresalen
Møtetid: 10:00 - 10:30

Eventuelle forfall må meldast via Møteportalen (politikarportalen). Ordføreren må og få melding om forfall til møter.

Varamedlemmer møter berre etter nærare avtale.

Sakliste

Sak nr.	Sakstittel
001/2023	Godkjenning av innkalling og saksliste
002/2023	Godkjenning av møteprotokoll
003/2023	Referatsaker
003/2023.1	Informasjon om røystestyra
003/2023.2	Informasjonstiltak mot veljarane - Kommunestyre- og fylkestingsvalet 2023
004/2023	Delegering av mynde frå valstyret
005/2023	Gjennomføring av kommunestyre- og fylkestingsvalet i Modalen kommune
006/2023	Tid og stad for førehandsrøysting

14. mars 2023

Kjetil Eikefet
møteleiar

Jo Bjarte Tømmerbakke
sekretær

Sakspapir

Saksbehandler	Arkiv	ArkivsakID
Lin Tove Thomassen	FE-033	23/102

Saksnr	Utvalg	Type	Dato
001/2023	Valstyret	PS	21.03.2023

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Sakspapir

Saksbehandler	Arkiv	ArkivsakID
Lin Tove Thomassen	FE-033	23/102

Saksnr	Utvalg	Type	Dato
002/2023	Valstyret	PS	21.03.2023

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Vedlegg:

Protokoll - Valstyret - 09.03.2021

Sakspapir

Saksbehandler	Arkiv	ArkivsakID
Lin Tove Thomassen	FE-033	23/102

Saksnr	Utvalg	Type	Dato
003/2023	Valstyret	PS	21.03.2023

Referatsaker

Underliggjande saker:

Saksnummer	Tittel
003/2023.1	Informasjon om røystestyra
003/2023.2	Informasjonstiltak mot veljarane - Kommunestyre- og fylkestingsvalet 2023

Forslag til vedtak:

Referatsaker vert tekne til orientering.

Saksopplysningar:

Sakspapir

Saksbehandler	Arkiv	ArkivsakID
Lin Tove Thomassen	FE-014, FE-013	22/227

Saksnr	Utvalg	Type	Dato
004/2023	Valstyret	PS	21.03.2023

Delegering av mynde frå valstyret

Forslag til vedtak:

Valstyret i Modalen delegerer følgjande til rådmannen:

- Gje fritak frå å stå på listeforslag
- Gje tilleggsfrist for å oppfylle krav til listeforslag
- Godkjenne søknader om innføring i manntal frå personar med over 10 år med butid i utlandet
- Rekruttere valmedarbeidarar og stemmemottakarar (ikkje stemmestyrer)
- Dialog med listeforslagsstillarar
- Sakshandsaming av listeforslag
- Rigge vallokale
- Fastesette løn og arbeidstid for valmedarbeidarar
- Utlekking av manntal
- Avtale med parti som ønskjer kopi av manntal
- Trykke stemmesetlar
- Kunngjeringar
- Lage rutinar for oppbevaring av valmateriell
- Registrere stemmegjevingar
- Legge inn oppteljingsresultat
- Føre protokoll av valgjennomføringa
- Varsle valde representantar
- Leverer materiell til fylkesvalstyret
- Andre praktiske oppgåver knytt til valgjennomføringa

Saksopplysningar:

Valstyret i Modalen er ansvarleg for å gjennomføre kommunestyre- og fylkestingssvalet i 2023. Etter kommunelova § 5-7 og § 10 6. ledd har valstyret høve til å delegere avgjerdsrett i enkeltsaker til

leiaren for valstyret, eit arbeidsutval eller rådmannen. Høvet til å delegere omfattar enkeltsaker eller typar av saker som ikkje er av prinsipiell karakter

Saker av prinsipiell karakter som skal behandlast av valstyret er:

- Godkjenne listeforslag
- Fastsetje ulike fristar
- Val av stemmestader, stemmekretsar og opningstider
- Oppteljingsmåte
- Oppnemne medlemmer i stemmestyrer
- Behandling av forkasta stemmegjevingar/stemmesetlar
- Godkjenning av valet
- Behandling av evt klagar

Ein eller fleire av valstyret sine medlemmer må også vere til stades under den endelege oppteljinga.

Det er ikkje høve til å delegere generell avgjerdsrett i saker som må reknast for å vere av prinsipiell karakter. Kva som er av prinsipiell karakter, må fastsetjast ut frå karakteren av vedtaket og konsekvensane av det. Konkrete enkeltsaker kan delegerast og regelen gjev dermed valstyret eit vidt rom for å vurdere kva som i det enkelte tilfellet er forsvarleg og formålstenleg.

Eksempel på vedtaksmynde som kan delegerast:

- Gje fritak frå å stå på listeforslag
- Gje tilleggsfrist for å oppfylle krav til listeforslag
- Godkjenne søknader om innføring i manntal frå personar med over 10 år med butid i utlandet
- Rekruttere valmedarbeidarar og stemmemottakarar (ikkje stemmestyrer)

Eksempel på arbeidsoppgåver som kan delegerast:

- Dialog med listeforslagsstillarar
- Sakshandsaming av listeforslag
- Rigge vallokale
- Fastsetje løn og arbeidstid for valmedarbeidarar
- Utlekking av manntal
- Avtale med parti som ønskjer kopi av manntal
- Trykke stemmesetlar
- Kunngjeringar
- Lage rutinar for oppbevaring av valmateriell
- Registrere stemmegjevingar
- Legge inn oppteljingsresultat
- Føre protokoll av valgjennomføringa
- Varsle valde representantar
- Leverer materiell til fylkesvalstyret
- Andre praktiske oppgåver knytt til valgjennomføringa

Under valgjennomføring kan det oppstå ei sak som krev rask avklaring. I slike tilfelle kan det vere tenleg å gje rådmannen ei fullmakt til å handtere saker av ikkje prinsipiell karakter, dvs saker som er

av reint praktisk art.

I Modalen har det ved tidlegare val vore vanleg å oppnemne ei arbeidsgruppe beståande av leiar, nestleiar, samt eit medlem frå valstyret. For å forenkle prosessen tilrår rådmannen at det praktiske forarbeidet vert gjort av administrativt tilsette på kundetorget. I hovudsak koordinert av valansvarleg og stadfortredar med jamleg statusoppdateringar til leiar i valstyret

Sakspapir

Saksbehandler	Arkiv	ArkivsakID
Lin Tove Thomassen	FE-014, FE-013	22/227

Saksnr	Utvalg	Type	Dato
005/2023	Valstyret	PS	21.03.2023

Gjennomføring av kommunestyre- og fylkestingsvalet i Modalen kommune

Forslag til vedtak:

- Utleggingsmanntalet vert lagt ut så snart det er klart etter 30. juni og fram til og med på valdagen på følgjande stader:
 - Flodmaal
 - Modalen folkebibliotek
- Frist for partia som stiller liste til valet til å bestille manntal vert sett til 1. august 2023.
- Valstyret vedtek å telje opp sentralt samla.

Saksopplysningar:

Valstyret er ansvarleg for valgjennomføringa i Modalen kommune og må mellom anna gjere vedtak om fristar og korleis stemmesetlane skal teljast.

Manntal

Opplysingar frå folkeregisteret pr 30. juni i valåret vert lagt til grunn for manntalet. Bustadadressa på denne datoen avgjer kva kommune du har stemmerett i. Melder du flytting etter denne dato, har du stemmerett i kommunen du flyttar frå. Etter valova § 2-6 (1) skal valstyret leggja manntalet ut til offentleg ettersyn så snart det let seg gjera. Vallova seier ikkje noko om kor mantalet skal leggjast ut. Det blir sendt ut valkort til alle røysteføre, ein ser difor ikkje behov for å leggja manntalet ut på fleire stader enn på kundetorget og folkebiblioteket. Manntallet skal ligge ute til og med valdagen.

Valstyret skal kunngjere tid og stad for utlegginga og opplyse om høvet til og framgangsmåten for å krevje feil retta, jf. vallova § 2-6.

Valforskrifta § 3 fastset at alle som stiller liste ved valet, har rett til eitt gratis eksemplar av manntalet. Det er likevel eit krav at dei bestiller dette innan fristen som valstyret set.

Kommunedirektøren tilrår at fristen vert sett til 1. august

Oppteljingsmåte

Prinsipp for oppteljing av røystesetlar er heimla i vallova § 10-4. I punkt (5) går det fram at røystesetlane skal teljast opp i to omganger, ein førebels og ei endeleg oppteljing. Den førebelse oppteljinga skal skje ved manuell teljing, jfr. valforskrifta § 37a. Det skal også skiljast mellom oppteljing av røystesetlar til kommunestyrevalet og til fylkestingsvalet.

Det kan veljast mellom 3 ulike oppteljingsmåtar:

1. Sentralt - samla: Røytestyra tel det totale antal motteke røyster i krinsen men partifordeler ikkje. Partifordeling av røystesetlar vert gjort sentralt i kommunen. Dei to krinsane vert slått saman og talt samla
2. Sentralt - fordelt på krets: Røytestyra tel det totale antal motteke røyster i krinsen men partifordeler ikkje. Partifordeling av røystesetlar vert gjort sentralt i kommunen, men kvar krins vert talt separat
3. Lokalt - fordelt på krets: Førebels oppteljing med partifordeling vert gjort av røytestyra i kvar krins (i vallokala)

Vanlegvis tel Modalen kommune sine røyster sentralt samla. Under stortingsvalet i 2021 var det 73 manntalsførte som røysta på Mo valdagen, medan 57 røysta på Helland. Tal røysteføre i krinsane er høvesvis 185 og 104.

Vallova opnar for at ein kan telje på krinsnivå dersom det er fleire enn 100 namn i manntalet i krinsen. Det vil seie at Modalen kan velje å vise resultat på krinsnivå. Likevel er forholda såpass små og gjennomsiiktig at ein tilrår å halde på at partifordelinga først vert talt når røystesetlane er levert kommunehuset for samla oppteljing.

Sakspapir

Saksbehandler	Arkiv	ArkivsakID
Lin Tove Thomassen	FE-014, FE-013	22/227

Saksnr	Utvalg	Type	Dato
006/2023	Valstyret	PS	21.03.2023

Tid og stad for førehandsrøysting

Forslag til vedtak:

Førehandsrøysting i Modalen kommune skal føregå ved kundetorget i 2. etg på Flodmaal kvardagar frå kl. 10-14 frå torsdag 10. august til fredag 9. september. Kundetorget er i tillegg ope for førehandsrøysting laurdag 2. september kl. 12.00-15.00

Det vert tilrettelagd for institusjonsrøysting på Modalstunet tysdag 5. september kl. 11.00-12.00

Frist for å be om å få røyste frå heimen vert sett til torsdag 8. september kl. 15.00

Saksopplysningar:

Den ordinære førehandsrøysteperioden startar tysdag 10. august, jfr. vallova § 8-1 (1). Med utgangspunkt i tilgjenge og tal innbyggjarar vert det lagt til rette for at veljarar røyste på kundetorget i Flodmaal kvardagar frå kl.10-14. Kundetorget held i tillegg ope for førehandsrøysting laurdag 2. september kl. 12.-15.

I tillegg kan veljarar som ikkje kan røysta i perioden for førehandsrøysting eller på valdagen, venda seg til kommunen og få tidlegrøysta frå 1. juli og fram til førehandsrøystinga starter 10. august, jfr vl § 8-1 (4). Kundetorget vil då tilrettelegge for at veljar får røysta.

Det er valstyret som fastset kor det skal vere mottak av førehandsrøyster, men det er eit lovfesta krav at det skal haldast førehandsrøysting på helse- og sosialinstitusjonar, jf vl § 8-3 (2) bokstav a). Modalen har ein sjukeheim og etter avtale med leiar for Modalstunet vert det tilrådd å gjennomføre institusjonsrøysting 5. september kl. 11.00-12.00.

Veljarar som på grunn av sjukdom eller uførleik ikkje kan røyste i eit vallokale, kan etter førespurnad til kommunen førehandsrøyste der dei held til (såkalla ambulerande- eller heimerøysting). Heimerøysting er ikkje mogleg på valdagen 11. september. Valstyret skal fastsetje frist for å be om å få røyste frå heimen. Denne vert tilrådd sett til torsdag 8. september kl. 15.00.